


T2720/2961

12

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						



皇明大政記卷之二十三

哈佛大學漢和
圖書館珍藏印

臣朱國禎謹輯

正德五年庚午正月戊午朔 山東撫按而下罰米者

數十人

修孔廟墻垣派銀

傳致仕掌大理尚書楊守隨為

民再罰米二百石 陞捕盜御史甯杲柳尚義左右

僉都斥御史薛鳳鳴為徐州驛弓手尋復之 增湖

廣巡按一人 傳南刑書吳洪右都張憲大理卿胡

富致仕 南戶部侍郎儲巘病歸 南給事中葉良

為民

聽請囑尚書劉忠所劾

截江西解額五十名仕者不許

選除京職

焦芳憾彭華等嗾堽為之

庚辰籍前尚書秦紘家

家奴

所告瑾
主之

查駁各衛官旗

陞南吏部侍郎朱恩為

南禮部尚書南兵部侍郎劉纓為南刑部尚書 陞

張禴楊武左右僉都撫大同宣府 查盤各府庫銀

給事中高滂丈量滄州等處草場劾先任都御史

張縉高銓等

銓滂父也 阿瑾并劾

二月丁亥朔 日本遣使

宋素卿入貢

以素卿厚餽 賜飛魚服

兵部尚書曹元改吏部

兼文淵閣大學士

胡汝璠代 未任卒

召南吏部尚書劉忠

兼學士管誥勅 掌通政司兵部侍郎王敞管部事

罰真人張彥頹米千石禁其家不得鬻符錄 逮

廣東叅議吳廷舉於獄枷號謫戍

鎮守人 監計奏

暫免各

處審錄官

定王府喪禮

應差大臣者用三司正 官差行人者用分守官

三月丙辰朔 考察各道御史降調甚衆改各部主

事為之 陞兵部左侍郎王敞為本部尚書 京師

旱風霾累日不息 大學士李東陽上疏行寬政從

之 水旱免各處逋稅五百五十餘萬 獎勵四川

破賊功 四川賊劉烈藍五廖麻子等僭號設官

添南贛巡視撫臣命南僉都王哲往 致仕尚書周

經卒 洪鍾總制湖廣陝西河南四川賑荒捕盜

四月丙戌朔 給事中郝夔覈榆林功次自經于公

署

時劉瑾橫甚又月功者多懼 而自盡都給事段豸代往

雷州流星如月聲

如雷 庚寅寧夏安化王寘鐫反殺鎮撫等官 四

川流賊入陝西湖廣 甲午莊浪奏捷 華州蒲州

地震 賑河南災傷 庚子封致仕右都督神英為

涇陽伯尋華 評事羅僑疏奏親政聽言詔改教發

原籍 正官不許差委出境 虜寇遼東擊却之

起右都楊一清總陝西各路軍務討寘鐫先命戶部

侍郎陳震兼僉都暫往寧夏督軍即命寧夏都指揮

僉事仇鉞為副總兵楊英為總兵鎮寧夏 罷延綏

總兵馬昂以侯勛代之 神英佩印總京營各處軍

馬並進 辛亥詔赦天下 御用監太監張永同楊

一清總西征軍務 遊擊將軍仇鉞襲統寘鐫 張

鳳僉都操江 五月乙卯朔 免端午宴 湖廣盜

敗官軍殺指揮巡檢等官 大同巡撫王綸逮獄為

民 杖二人致死 僉都魏訥代羅鑒撫蘇松 鑒以那借錢糧得罪

寧夏地震 癸未大學士焦芳致仕 與張綵不合劉瑾亦惡之

六月乙酉朔 罷沽河之役 南工書俞俊致仕陞

李善代之 俊尋卒 秦州山崩水溢 切責治河侍郎

崔巖 鎮番叅將李愷破虜 致仕少師馬文升卒

定巡按不許侵提學考試 提學陳鳳梧之奏 劉宇展祭

還朝仍予致仕 陞王憲副都代王彥奇撫遼東

惠潮賊平

添延寧二鎮巡按一人

七月乙卯朔

申明襲替事例

湖廣兵討柳永流賊破之

馮

陽等處賊平

甘肅禦虜却之召還張永

甲戌改御史陳茂烈為本縣晉江教諭食祿養母親終

原職起用

發浙江叅政何顯遼東自在州為民

先知

湖州府歲賦多歛銀三萬有奇

八月甲申朔

糧儲都御史魏訥

賑蘇松

免福建銀課一年

給事中于聰行人劉

宓封占城國王

先給事中李貫當往私於瑾改聰瑾收復命貫至徐州遇盜割其髮宓亦

卒於路遷延七年不行

甲午太監張永還自寧夏是夕永白劉瑾反狀執之繫

菜廠明日有

旨列瑾罪狀降奉御發鳳陽

丁酉

始下瑾於獄科道官奏劾午門會鞠

悉除瑾諸惡

政 戊戌收吏部尚書張綵等下臺獄

切責慶王

台滋革其護衛并祿三之二

屈身寘鑪行君臣禮

大學士李

東陽楊廷和待罪辭位留之曹元致仕尋黜為民戶

部尚書劉璣兵部侍郎陳震罷職

科道官皆自劾

不職因劾內外黨逆者二十六人續劾兵官數人又

劾焦芳以下數十人分別處治 致仕吏部尚書許

進卒 罷江南新僉民壯 召梁儲及諸翰林官於

南京 戊申劉瑾伏誅

陞陳鎬張勛夏景和副都

撫湖廣寧夏宣府丁鳳副都管南儲顏頤壽僉都蒞院吏侍孫交柴昇南吏禮二部尚書 革寧王護衛

庚戌復給劉大夏潘蕃誥命 侍郎韓福

改服闋禮部尚書劉機於吏部 召楊一清為戶部

尚書 南右都張鼐卒 復設河南山東江西鄖

陽薊州保定蘇松鳳陽雲貴巡撫 劉瑾所革者 九月甲

寅朔 太平寧國安慶大水溺死者二萬三千餘人

乙卯何錦等伏誅 陞仇鉞都督僉事總兵寧夏

尋封咸寧伯 楊一清加太子少保 定坐監生歲

以三千為率 死難指揮楊忠李睿百戶張欽贈級

致祭 梁儲劉忠俱兼文淵閣大學士 已未封太

監張永兄富為泰安伯弟容為安定伯 庚申改祭

酒王雲鳳為南右通政尋致仕 陞叢蘭侍郎僉都

督陝西三邊糧儲 禮部尚書白鉞兼學士管誥勅

工部查革劉瑾亂政害人十二事 惟內臣建祠造墳係舊制罰部

臣俸餘依擬 改工部尚書畢亨於南京尋罷歸 復各

處兵備分守分巡及管糧叅議 副都楊綸劾罷

戶部改正二十餘事 復平江伯陳熊爵 壬申復

以李鏊為工部尚書 科道復劾劉瑾餘黨罷斥

武學改正者二事

議正德二年以來貶謫官五十三人皆復職起用

尚書李傑

孫需侍郎陳勗鄧璋胡富陶琰馬中錫都御史張憲

賈錠李貢邵寶胡瑞羅鑒通政司參議任良弼府丞

趙璜司業羅欽順編修何塘給事中楊琥劉澤徐忱

安奎潘希魯陳伯獻御史吳璋王潤曾大有劉子厲

楊南金王時中郎中劉思賢員外郎韓俊葉釗主事

唐胃傅俊謝廷瑞趙璧評事羅僑中書舍人何景明

布政姜洪沈林按察使金獻民邢義叅政楊守隅楊

茂元吳彥華副使劉遜陳恪李金吳廷舉僉事方良

永盧翊知府

劉麟張津

寧夏功加恩閣部大臣太監谷大用

等兄弟封伯者三人并封義子朱德為永壽伯 四

川流賊藍廷瑞鄔本恕等作亂擊破之斬廖惠 改

侍郎陶璜總漕 起馬中錫撫大同顧源撫雲南邵

寶撫貴州 斬錦衣千戶張文冕於市 壬午陞禮

部左侍郎費宏為本部尚書 復致仕南尚書張憲

於南工部 羅鑑仍撫浙江 李貢起撫順天 陳

玉僉都撫保定 復革荆府護衛之半 瑾時請復者 十

月甲申朔 兵部改正十八事 工部右侍郎李堂

上修河事宜 姚源賊汪澄三王浩八等聽撫復叛

破安仁縣 吏部改正二十四事 復減九門錢鈔

復劉大夏楊守隨林瀚韓文許進艾璞等官仍致

仕 張綵死於獄剉屍籍沒錦衣石文義凌刷餘皆

伏法 鞏昌地震 開中鹽課百萬引于陝西三邊

戶部再改三事 貫霸州強賊劉晨等三十四人

罪尋叛去

晨即劉七

復錦衣指揮牟斌官

節婦十九

人起用侍郎儲懽於戶部李士實加右都撫鄖陽

都御史黃寶山東鄧祥河南周南宣府胡瑞山西各

巡撫禮部尚書白鉞卒十一月癸酉朔璽書

褒諭張永斬貴管內閣誥勅起祭酒章懋南太

常寺卿蘇松常三府水災免稅有差致仕南尚

書熊翀高銓吳文度卒總制尚書洪鍾勦流賊報

捷停設雲南永昌府致仕侍郎謝鐸卒十二

月癸未朔四川賊轉入南川綦江等處陷江津縣

殺僉事吳景執僉事郝綰申郡王襲封舊例盜

入呂梁主事伍全官署榜笞劫掠

甲申上太皇太后尊號曰慈聖康壽皇太后尊號

曰慈壽浙西災湖州尤甚蠲免賑貸戊申吏部

尚書劉機刑部尚書劉璟皆致仕太監喬忠等南

京織造許帶長蘆鹽引所過不得詰問傳陞錦衣

指揮朱寧等堂上及鎮撫司管事

正德六年辛未正月壬子朔改楊一清吏部尚書南

兵書何鑑刑部尚書兩京科道會劾各省應察官

係始大觀考察改南戶書張潔為南吏書陞

行部侍郎喬宇南禮部尚書旌晉府鎮國將軍鍾

鎖孝行 盜陷營山縣殺僉事王源降勅切責林俊

洪鍾 陞李瀚南戶部尚書 以四川布政高崇熙

為副都討江津播州蠻寇 江西兵討姚源賊大敗

調兩廣土兵赴之 科道拾遺 坐營都指揮同知

李瑾率千人勦山東盜賊 二月壬午朔 董傑副

都撫江西 王哲兵 敗取回 南尚書張憲卒 四川多盜停

架帖採辦等項 添四川管糧叅政 陞布政魏英

副都撫貴州 儲確致仕 除河南舉人廖鎧名 大監

廖堂之侄錦衣指揮 鵬之子福建人冒籍 布政邊憲蕭狝燕忠皆副都

撫山東保定宣府 選畿內達官軍舍操練聽征

增設青州守備官 丙申勒寘鏞自盡焚其屍 蘇

松山西巡撫羅鑒胡瑞致仕 陞張鳳 王璟代 復牟斌仍鎮

撫司掌印理刑 添益豹房寺觀李東陽等疏諫不

報 召修河侍郎李堂還京以副使領之 許高崇

熙募土兵調川南川西兵 致仕尚書劉璋卒 四

川兵攻賊首曹甫等大破斬之 巳酉起左都陳金

總江西等處軍務 吏書楊一清薦雲南副使吳廷

舉蘇州同知李嘉言同陳金往江西 三月辛亥朔

山東賊破樂安濱州高苑諸城 河南賊流劫延

津封丘等處 賊劉寵 即劉 六 劉晨齊彥明等流劫山

東殺京營指揮六人 勘免江西虛糧 乙丑策貢

士鄒守益等三百五十人賜楊慎余本鄒守益以下

及第出身有差 考官大學士劉忠學士靳貴分試舊十四人是科增三人翰林十一員科

部各三員得胡堯元汪玄錫楊守禮費宗王道于湛施儒張潮王思孫承恩南大吉樊繼祖汪文盛喻茂

堅王以旂張燦桂萼郭維藩周廷用邊憲屠僑 丙寅起孫需南工部尚書

吏部楊一清上平盜十二事 丁卯江西賊破新

喻縣 山東賊破金鄉縣 逮山東叅政史學僉事

杜旻 坐避賊 詳定捕賊條格 棄城者斬擒獲如邊方例 起李夢

陽江西提學副使 賊入博野等處 文安生員趙燧降之 虜

入河套擊却之 惠安伯張偉總兵陞副都馬中錫

右都提督發京兵討賊 石峽副都撫大同 賊破

山東州縣遂據樂安犯闕里守葦改軍皆走賊禮拜而

去轉入大名真定等處 申定討賊戰守軍法 治

太監廖堂及弟錦衣指揮鵬罪鬻其居賞軍尋寢復

職 選許成名等三十三人為庶吉士同一甲三人

讀書 山東諸將破賊報捷 河南兵追賊敗於應

山 四月庚辰朔 大學士劉忠乞歸焚黃許之

江西山東賊連破各縣 進章懋南禮部侍郎 定

中書舍人再考得酌量銓轉 從中書舍人黃堂之奏 刑部員

外宿進疏劉瑾事杖五十發為民 疏言受害者當恤黨惡者當退 主

事王崇慶論救下獄降驛丞 錄廣東樂昌縣平賊
 功 叅將李瑾擊山東賊破之 貴州苗叛 雲南
 楚雄府地三日五震 懷慶府祭元儒許衡 覈李
 瑾報功虛實 祀宋臣宗澤於鎮江文天祥於蘇常
 二府郡人姚訔郡將陳炤專祀常州 以盜賊免各
 處歲辦軍需物料其坐派馬匹地方以銀半折 四
 川巡撫林俊以討賊無功自劾乞總制洪鍾便宜用
 兵有 旨切責令鍾卽赴保寧高崇熙專備播州
 士寅木星晝見八日 五月庚戌朔 四川賊攻茂
 州殺知州汪鳳朝遂至劔州殺判官羅明等 冊封

復差六科

劉瑾所革

賜京民八十以上粟帛

兵部尚

書王敞回通政司掌印刑部尚書何鑑代

錄廣東

惠潮二府平賊功

流賊至濬縣爲知縣陳滯所敗

遁入太行山

賊首宮太保伏誅

山東賊流入河

南轉入湖廣江西南直隸

陞天津兵備副使陳天

祥爲太僕少卿仍管兵事

加馬中錫左都 王敞

致仕

改四川巡視都御史高崇熙提督松潘軍務

林俊同太監韋興顓討藍廷瑞等

盜轉入河南

勅內監及兵部科道大選京營及南京諸軍

量

減各處管倉內官

設九江兵備移守備官於安慶

六月己卯朔 汜水縣暴雨大水 臨江府火

星交流大如車輪 虜犯延綏敗去 山西盜李華

等起與劉六合兵焚戮 起革職總兵白玉等效用

流賊楊虎轉入山西破汜水等縣 賊破棗強知

縣段豸死之 或曰自投 城下死 勒給事中陳鼎為民 以發 廖鎰

冒籍中式 中以他事 河南按察使彭澤陳盜情三事 時已陞 僉都撫

東 四川賊流入貴州 郟城知縣唐龍濬縣知縣

陳滯曹縣署印知事楊謙禦賊有功陞二級并切責

文武領兵大臣 賊楊虎自山西還武安縣燬臨洛

鎮抄故城等縣復入文安與劉六合都督同知張俊

率京營兵二千往討之 華林山盜陳福一破瑞州

府 川賊藍廷瑞奔漢中陝西兵圍之乞還川聽撫

復設南贛巡撫以周南為之 酌定三品以上卹

典 賊由霑化趨卽墨破武城縣至濟陽 七月己

酉朔 楊一清陳陝西邊務八事行之 山東賊連

破城邑至樂陵為知縣許達所敗遁去 廣東韶州

府隸南贛巡撫 改鄧璋巡撫河南 定節孝官給

銀三十兩自樹坊表復其二丁 夔州府驟雨山崩

江漲 盜破河南武安縣從臨洛關北去 兵荒免

河南等處糧稅 賊合兵復至文安調邊將許泰馮

頑郤永討之

賊破南宮縣

加太監張永祿米一

百二十石

擒妖賊王豸

設思恩府同知等官

賊入阜

城獻縣

陞張泰右都總陝西

江西盜攻臨江府

敗官兵

詰問張偉馬中錫及撫臣蕭翀李貢邊憲

王璟等

討賊無功

八月戊寅朔

四川賊入貴州破婺

川縣及龍泉烏江等處

南吏部侍郎羅玘乞定大

計絕覬覦不報

馬中錫奏劉寵劉晨楊虎李隆等

四十三人求降下廷臣議處令押赴軍門准自首律

兵部左侍郎陸完兼左僉都督邊兵討賊

川賊

藍廷瑞鄔本恕二十八人爲永順土舍彭世麟所擒

卽其地梟斬官軍圍餘黨破之惟廖麻子得脫復爲

寇

敘功洪鍾太子太保林俊右都加賞

章懋以侍郎致仕

金星晝

見凡十二日

致仕吏書李裕卒

江西南豐永寧

樂安三縣皆爲賊所破

賊至固安

上召問閣臣

促兵併力賊近霸州京師戒嚴諸將分兵禦守

張縉右都總漕

太監張永傳

旨取回張偉馬中

錫令陸完節制諸軍

賊破大城靜海二縣

貴州

兵破苗寨

虜寇柳條灣邊將擊破之

定貴州衛

官免比試納米之例

天津兵禦賊破之

青縣 尋甸軍民府地震

復秦紘所沒家產誥命 下總制馬中錫惠安伯張偉
叅將朱振於獄 九月丁未朔 流賊分爲六陸完
請添邊兵進勦許之 廣西懷賀等縣徭賊平 賊
圍滄州不克南奔屢爲邊兵所敗遂入山東連破武
城等縣 霸州桃李華 陞天津兵備少卿陳天祥
僉都捕盜 戶部左侍郎邵寶兼僉都督運船 邊
將追賊連戰破之 川賊餘黨流入寧羗州沔縣等
處破畧陽徽州扶風等縣楊虎等破威縣新河二城
劉六等破日照諸縣 川賊走貴州者復入四川討
破之 再調宣府奇遊兵遼東兵益陸完 廣福流

賊復入江西南豐新淦等縣叅政趙士賢被執贖歸
流入湖廣破鄱縣 十月戊寅朔 給事中竇明疏
四事獄訊 劉六等攻濟寧焚運船千二百餘艘執
分司主事王寵尋釋歸 贛州土民何積玉誘擒廣
賊張仕錦等斬之 劉六寇曹州邊兵促敗之
選團營精卒四萬二千人分爲正奇兵聽調 致仕尚
書閔珪卒 泉州府地震 虜入大同 山西婦女
死賊被旌者三十二人 賊破廣平縣 虜犯山丹
再犯甘州皆敗去 十一月丁未朔 南科道復劾
逆黨尚書而下數十人 太監谷大用張忠伏羗伯

毛銳督京軍會陸完勦賊 甘肅兵數破虜 侍郎

兼僉都叢蘭王瓊分往南北賑濟 林俊辭加右都

及賞賜不允特允致仕 川賊復陷綦江 京師地

震連及畿南自戊午至庚申凡十九次 下詔修省 山東

賊寇免粟豆二十四萬餘停折有差 陞趙璜僉都

撫宣府 允大學士劉忠養病廕一子中書舍人

虜寇宣府守備趙瑛戰死又寇涼州邊將擊敗之

改東關倉爲永壽伯朱德私第德請工部改立公館

尚書孫交爭之不聽 致仕尚書侶鍾卒 大學士

李東陽九年滿兼支學士俸宴禮部仍辭宴允之

虜入涼州敗去 甲戌盜陷葉縣 楊虎破宿遷縣

執淮安知府劉祥靈璧知縣陳伯安釋之 十二月

丁丑朔 陞陸完右都諸邊將皆進秩 諸勲臣分

守京城九門 邵寶請復支運舊制不果行 改松

潘巡撫高崇熙於四川 陸完督諸將破賊於濰縣

尚書張濬而下被劾者數十人濬自陳留用餘皆

黜降 王真副都撫蘇松 尚書學士尹直卒 流

賊自山東奔突廣平北至棗強轉攻衡水縣 楊一

清上勦賊事宜 費宏兼文淵閣大學士 侍郎傅

珪爲禮部尚書 加吏部尚書楊一清少保 蔭一子錦衣千

戶 黃河清自清口至柳舖九十餘里甲午乙未丙

申三日 加兵部尚書何鑑太子少保 賊入河南

歸德沁陽等州縣 楊虎溺死 趙璠復推 劉惠為帥 惠即劉三 逮失事副

總兵白玉 四州賊自陝西復入劫掠殺副使馮傑

伏羌伯毛銳駐河南太監谷大用右都陸完駐畿

南分諸大將隸之仍勅各鎮協勦 賊犯虹縣蒙城

陸完追賊連破之 虜犯肅州敗去 彭澤巡撫

保定 南尚書李瀚致仕 查革南京内外工匠 是年

賊破上蔡縣殺知縣霍恩破西平知縣王佐 死之破裕州州同郁采死之餘贈卹可考

正德七年壬申正月丁未朔 其肅兵破虜 南戶部

侍郎胡富陞本部尚書 賊犯霸州京師復戒嚴促

諸將防守 賊入大城縣殺知縣張汝舟主簿李銓

趣邊兵討之 初十日 駕出郊祀禮戍 申討賊

賞格 改養病戶部侍郎儲燿于南京 贈知縣霍

恩王佐俱光祿少卿蔭子立祠 復甯杲柳尚義僉

都勦賊 設潼關兵備副使 四川破賊于川南

京師及山西福建雲南等處地震 贈登川通判邵

章知府萊陽縣丞陳韜州判賜祭 伏羌伯毛銳戰

敗徵還 二月丙子朔 副都彭澤咸寧伯仇鉞督

軍河南討賊 侍郎黃珂兼僉都督餉 賊掠利津

縣殺都指揮周琮犯萊州殺指揮僉事蔡顯 甯杲

巡撫保定 知縣許達牛鸞俱以功陞山東備兵僉

事 贈郵裕州同知郁采等 宥都督僉事馬昂充

叅將防守鳳陽 諸將追賊大破之 三月丙午朔

陞劉愷副都治河

授庶吉士王道應天教授便養 山東布政姜洪乞休

陳除寇安民事宜仍留管事 四川賊復入貴州

致仕尚書秦民悅卒 查革冗員 時有數千 僅革五人 大學

士梁儲以子次攄事被劾乞休不允 運船各取一

人禦賊 嶧縣大火 賊陷梁山縣主簿時植死之

妻及二女皆死并陷睢寧蕭碭等縣主簿金聲等戰

死 山東秦始皇廟火 屋宇皆燬像設自如鐘鼓皆鳴 少師吏尚

書馬文升卒 河南兵擊賊破之 革神木千戶所

副總兵陳暉追賊滕縣大破之 都督僉事馮禎

戰死河南 陞楊茂元副都撫貴州 先魏英不職罷 江西

叅政吳廷舉破賊於連河寨 廣西梧州兵破賊

四月乙亥朔 陞姜洪副都撫山西 尋卒 南昌知府

李承勛會副使周憲破賊 起致仕吏部尚書劉機

於南兵叅贊 兵荒免食不落莢 再發倉糧二十

萬石分賑畿內山東 雲南兵破安南賊寨 陞馮

清副都撫寧夏 陝西破虜 叅將王杲遇賊蒙村

戰死 保國公朱暉子麒世襲撫寧侯爵 五月甲

辰朔 各處災變修省 劉六劉七奔登萊陸完分

諸將邀破之西奔追至淮河賊易服遁去 罷九門

守衛官軍 下紀功御史雷宗於獄 後降 典史 盜掠羅

山縣主簿王續宗死之 免端午宴 吏書楊一清

禮書傅珪互駁考滿蔭子例 卒為一 清所扼 劉三自遂平

趨朱臯永順土兵擊敗之 雲南地連震十三日

允戶部侍郎邵寶省母 撫州東鄉賊平 大帽山

賊張時旺等就擒 馬中錫死於獄宥惠安伯張偉

革太保及祿米 諭土兵頭目約束所部不許擾害

盜殺都御史馬炳然 湖廣兵破賊 劉大 溺死 河南

賊趨徐州 河南賊趙景隆伏誅 雲南副都顧源

致仕陞布政洪遠代 劉宇死 閏五月甲戌朔

贈扶風知縣孫璽光祿少卿賜祭蔭子 僉事許達

敗賊於高苑 四川賊首方四伏誅 仇鉞等擊賊

大破之 河南賊轉掠黃坡據羅田 甘肅兵破虜

逮山東保定副都邊憲蕭翀於獄尋釋復職 七月 罷歸

河南賊平 劉三自縊 趙 風下就擒 虜寇嘉峪擊敗之 川

賊廖麻子奔東流 費縣蒙山崩 議併功陞格

劉七等入湖廣 改遼東巡撫袁經於大同 六月

癸卯朔 方四餘黨叛副總兵閻綱戰敗 陞張貫

副都撫遠東 給事中黎奭於江西王萱於四川驗

功 時連年川兵糜費殘害 涼州兵破虜 劉七等由黃州劫

掠至九江鎮江命彭澤自湖廣而下駐南京陸完自

山東而南駐鎮江便地督軍勦捕 黑青見 自河間順德遂

入京師旬月乃息又見河南封丘縣 右都王鼎致仕 七月壬申朔

陞陶琰右都巡視浙江 治岷府諸王淫縱之罪

革爵奪祿有差 川賊陳二降 即曹甫散餘黨二萬人 甯杲

多殺平民報功屢劾不聽 分諸邊將各留兵千人

暫鎮河南山東南北直隸延綏兵還鎮遼東宣大兵

過京遂留不遣 南右都李士實回掌院事 戈瑄代

罷南京操江都御史陳世良武靖伯趙弘澤以都御

史俞諫懷寧侯孫應爵代 鄭宗仁撫山西 給事

中王昂劾楊一清謫縣丞 擒大帽山賊何積欽

癸巳江西副使周憲討華林賊死之 山東殘賊殺

指揮謝琴 免谷大用西廠辦事 八月壬寅朔

劉七等上下南京諸處殺掠 設汝寧南陽兵備

御史周廣奏劾朱寧降驛丞 江西餘干姚源賊平

起王雲鳳僉都撫宣府 戶部主事曹禔疏救周

廣調尋甸通判 致仕尚書閻仲宇楊守陞卒 復

設南京副都御史改貴州巡撫楊茂元蒞之 陞任

漢副都撫江西

壬戌癸亥陸完促劉七齊彥名於通州之狼山殲之

陞沈林副都撫貴州 雲南地大震 設江西東鄉

萬年二縣 餘賊劫掠滄州 九月癸酉朔 西寧

破虜 謫淮安知府劉祥戍貴州錦衣指揮僉事牟

贊韋璽降百戶調別衛 以太監喬忠舟行爭鬪 戶部左侍郎

邵寶母老終養 江西總督陳金破華林賊斬其首

惡羅光權等加太子少保 召四川總督尚書洪鍾

還陞彭澤右都代 平流賊功咸寧伯仇鉞進封侯

陸完陞左都與彭澤俱太子少保兵部尚書何鑑加

太子太保俱蔭一子世襲百戶內官增祿米蔭弟侄

諸將遞陞從厚并頒賞公侯閣部大臣 賜義子百

二十七人國姓 召還四川總兵楊宏以都督陳珣

代停巡撫高崇熙俸 十月辛丑朔 吏部奏舉終

養提學副使潘府 節烈十一人 陸完還掌院事

罰楊茂元俸三月 先撫貴州擅造旗牌各五 兵荒免所在糧

稅加賑并備用貼丁等項 十一月辛未朔 益兵

討川賊廖麻子 已卯給終養御史陳茂烈月米二

石 命營軍邊軍互出入操練數各三千 後四鎮士馬團操於

大內號外四家兵部廷臣集議以為不可李東陽陳十不便皆不聽 司禮太監張永

調御用監閑住 設紫陽縣隸漢中府 十二月辛

丑朔 總制尚書洪鍾南吏部侍郎羅玘致仕 加

工書李燧太子少傅 刑部左侍郎張子麟為尚書

仍令使臣李貫劉文瑞往占城冊封 致仕南尚

書王佐卒

丁卯大學士李東陽致仕 山西賊李五作亂 致仕

吏書管左都屠瀟卒 張淳左副都撫鄖陽金獻民

左僉都撫延綏

正德八年癸酉正月辛未朔 副都俞諫代陳金總江

西軍務 廣寧地震 運同劉瑄傳改錦衣指揮僉

事 因緣谷大用報前涿州功 張津僉都操江 高友璣副都撫

大同 以降虜充御馬監勇士兵部疏諫不聽 虜

寇大同 孟春僉都撫宣府 侍郎石玠兼僉都撫

遼東 增各處鹽引 自丙戌起金星晝見四日

李瑾率湖廣兵赴江西 侍郎叢蘭兼憲職僉都陳

玉巡視西東兩邊 二月庚子朔 守節死賊者列

碑立旌善亭免旌表 川賊廖麻子請降受之 錄

程鄉縣獲賊功 免勘甯杲罪 封太監谷大用弟

大亮永清伯陸閏侄永鎮平伯 贈萊蕪知縣熊驂

光祿寺丞主簿韓塘本縣知縣皆蔭子 三月庚午

朔 設睢陳二州兵備 下御史孟洋於獄降教授

論大學士梁儲當去制 誥尚書靳貴不當入閣 虜入大同諸將戰敗大略

改太平倉為鎮國府毀馭口為府廳駐宣府軍

停內外非時考察 蘇松浙西僉事分管水利 廖

麻子復叛逮巡撫高崇熙 卒於道其子奏辨贈右都蔭陞世襲錦衣千戶

金獻民回院 成都衛軍餘范藻等劫殺 四月巳

亥朔 慶王台浚請復護衛不許 鎮篁五寨等處

賊平 江西賊王浩入屯開化分掠婺源休寧等處

雲南叛酋那代伏誅 趙鑑副都撫甘肅 刑部

反獄者十七人尋獲之

庚申御經筵講官編修何瑋調開州同知 補原任編

修邵銳寧國推官 先坐焦黃中貶者 廖麻子兵敗斬之

五月戊辰朔 御史賀泰降推官 言義子之非 虜犯大

同仇鉞領京兵赴之 前僉事李晟復上兵書五種

下兵部 虜入山西邊兵屢敗遂大掠 發京軍守

諸關隘 榮王府火 開化賊戰敗復歸江西求撫

旌表安仁縣民官氏妾 為新民茹七所執不屈死 六月戊子

朔 河決黃陵岡

移曲阜縣治就闕里為為一成撫按 贈御史任賢太

僕少卿居鄉與濬州知州民多禦賊死 逮治江西按察使王秩撫

縱賊 旌鎮國將軍鍾鎮孝行 宥貴州宣慰宋然死

給事中潘垣奏甯杲江彬妄殺平民之罪不問

戶部禮部尚書孫交傳珪俱致仕職掌忤中貴 都御史

俞諫等破擒王浩八 雲南蒙自縣土舍祿祥作亂

討平之 贈葉縣知縣唐天恩光祿少卿賜祭陰子 陞

王瓊戶部尚書劉春禮部尚書 七月丁卯朔 南

侍郎儲懽卒 建太公廟於成陽縣致祭 廣西盜

李道實平 終養御史陳茂烈辭月米温 旨褒諭

不允 陞王倬撫順天 賜顏真卿杲卿廟額曰二

忠歲祭 八月丙申朔 江西賊奔入玉山縣三省

會兵討破之擒其首劉昌等餘賊復走姚源 滁陽

王墳奉祀郭琬有罪革職 金星晝見起庚戌凡六

日 贈瑞金知縣萬琛光祿少卿祠祭陰子 允奉

使行人傳楫暫歸省母 九月丙寅朔 陳珂巡撫

河南 江西兵破賊 逮四川總兵陳珣喻老人逸去敗官兵

虜入薊州寧夏遼東 賜都指揮江彬國姓 立

皇莊五所 十月乙未朔 平陽太原等府大雨冰

雹平地水丈餘 姚源餘賊復起劫掠萬年縣新民

復叛殺副使李情

東鄉縣賊聽撫復叛討平之

增甘肅兵糧

贈前御史蔣欽光祿少卿侍郎劉

憲蔭子府丞周璽等十人皆復官賜祭

十一月乙丑朔

大理卿燕忠勘鄭岳李夢陽事

兵

部尚書何鑑致仕改左都陸完代兼督團營 申定

武臣誥命例

非軍官而納銀即有軍功恩 蔭而納銀加秩者皆不與

十二月

乙未朔

旌表四川兵勇及土官把事土舍等戰死

者 發錦衣百戶梁次攄邊衛立功

大學士儲之子占田殺人

召江西巡撫任漢還京俞諫專職討賊 定各衛所

馬五年一次揀選變賣 楊一清疏振風紀

時御史張璞劉

天和王廷相為鎮守太監所許都御史張翼為僉事所許俱下獄請速歸結

止四川援

兵 時廖賊已擒

南刑部尚書劉纓致仕兩廣總督林廷

選代 南刑部侍郎鄧璋兼左僉都賑濟江西

追贈誠意伯劉基太師謚文成

九世孫瑜所請

因謚宋濂曰

文憲宋訥曰文恪 江西賊首械至京伏誅 馬昊

巡撫四川 令大臣當蔭者吏部查例徑給不必乞

恩其蔭而登甲科者許補蔭

正德九年甲戌正月乙丑朔 陞周南右都總兩廣蔣

昇副都撫南贛 會舉將材 南科道劾寧王諸不

法事 存恤致仕廉吏 南御史曹鍾之奏 慶成宴至暮設

燭 岑濬餘黨覃恩復叛 考察大覲 贈漢中府

通判羅賢為知府蔭子 庚辰乾清宮火 張燈寧王進獻懸掛

所致諸上疏者自閣臣而外皆不報 起陳壽為副都 降御史劉天

和王廷相皆縣丞 作太監廖堂械獄坐貶 旌獎入覲官陳恪

等十六人 二月乙未朔 廷臣請 上擇宗室親

賢入京 增戶部主事二員隨總制叢蘭修邊 庚

子賊首王浩八等伏誅 上微行至教坊司 允太

師英公張懋解戎務 陞鄧璋右都總陝西三邊

造諸王府信符銅金牌十八鑄征虜諸將軍印 乾清宮燬

于火者 大理卿燕忠賑江西 尚書學士靳貴兼文

淵閣大學士 陞王珣僉都撫山西 賑永平災荒

侍郎學士蔣冕管內閣誥勅 增會試額四百人

以各處地方殘破欲選進士為正官 四川賊喻惡俸平 即喻老人 追奪

方山王鍾鋌謚號 三月甲子朔 贈夏邑縣丞安

宣為通判蔭子 江西兵擊斬臨川賊首陳玖等

黜戶部員外郎黃體行為民 疏諫人情莫親母子莫密夫婦乞退詢仁壽坤

寧坐妄引兩官之罪

丙子江西副使胡世寧上寧藩事 戊寅筭貢一霍韜

等三百九十六人賜唐臯黃初蔡昂等及第出身有

差 考官大學士梁儲學士毛紀得馬理孫存薛蕙蕭鳴鳳熊浹劉儲秀貴宗明萬雲鵬應大猷陸鈞陳

克宅劉璣鄭慶雲胡松孟陽王杲
馬明衡陶滋劉源清謝汝儀戴金

嘉祥縣曾子廟

成 賜大學士楊廷和父春羊酒

時年七十九

南兵書

劉機致仕 姚源縣賊復叛討平之

四月甲午朔

丁酉復寧王原革護衛及屯田

二年以劉瑾復瑾誅改正至是再請

許之 改張潔南兵叅贊 復昌平縣為州 加彭澤

左都太子太保 四川平賊功 減徐良救父殺人罪一等

旌孝義民烈女四人 改南刑書孫需於南吏部

陸弋瑄代 五月癸酉朔 大學士費宏致仕 聽進士

願就教職 江西布政鄭岳知府劉喬勘為民副使

李夢陽閑住 土魯番復據哈密都御史彭澤經略

六月壬辰朔 江西兵破大池賊 貴州程番寨

賊平 虜入宣府 工部員外郎韓邦靖上疏下獄

黜為民 諭吏部凡言事黜謫者勿再起用 七月

壬戌朔 商洛盜起 宣大虜警太監張永都御史

叢蘭都督白玉總宣大延綏京營兵禦之 公侯諸

大將分守各關隘 右侍郎侯觀兼僉都督餉 大

學士楊廷和移蔭其弟廷曆 移蔭之始 虜酋進牧涼州

殺掠鎮撫欺蔽為巡按成文所劾反許詔勿問 開

淮鹽于宣大各十五萬引 王懋中左副都撫雲南

江西平盜功加俞諫右都陸完太子太保 御史

王相奏致仕尚書劉大夏八十請優禮存問不允

虜營近邊窺居庸增遊擊一人召延綏大同遼東兵

駐近地 復慶王台滋祿米 陞南昌知府李承勛

浙江按察使 八月辛卯朔日食 致仕南吏書黃

珣卒 召還巡視浙江右都陶琰盜賊已平 撫貴州亂

苗 虜寇白羊口及浮屠峪勅所在守禦 乙巳京

師地震 申九門盤詰之禁 添設職方車駕郎中

各一員 東平州吏部主事梁毅妄告變辭連魯府

歸善王當洹命諸將會兵毅尋坐誣贖還職 木星

晝見起乙巳凡十一日 虜入山西大掠殺指揮陳

經 謫給事中王昂休寧縣丞 劾楊一清選法不公一清疏留土雲鳳貽

書諷 之 九月庚申朔 旌魯府鎮國將軍當灞孝行

虜自宣府深入三關總兵白玉擊却之 始設花

壇帳房 凡一百六十二間郊祀遊幸皆宿於此 安南入貢 戶部郎

中張文錦上等邊裕民十事 上搏虎被傷編修王

思疏諫謫驛丞 漕運右都張縉加南戶部尚書致

仕 雲南十八寨叛賊平 十月庚寅朔 右都陶

琰督漕 刑部主事李中疏諫護國佛寺謫驛丞

贈靈壁主簿蔣賢為知縣蔭子 修文廟禮樂祭器

建乾坤二宮尚書李燧是督侍郎兼僉都劉丙採木

治大同邊將失事罪名邊廷巡按覈實事官軍贈卹

侍郎陳玉兼僉都督紫荆東西兩路都御史陳天

祥督山西三關 給事中張原疏六事謫驛丞 十

一月巳未朔 選團營并勇士四衛營萬二千人西

官廳操練 降魯府歸善王當沅為庶人發守鳳陽

梁穀所陷 觸牆死 定歲貢事例 陞秦金副都撫湖廣

增三衛入貢人數 虜入花馬池叅將尹清戰死

南工書林廷選致仕 裁蘇松兵備河間等處總兵

瓦剌侵哈密敗去 添三關遊擊一員 旌秦府

保安王誠激孝行 廣西蒼梧賊殺指揮李鎮等

改服闋南兵書柴車於南工部 都督許泰都指揮

同知朱彬提調團營西官廳 增山西偏頭巡關御

史 甲申金星晝見凡八日 十二月巳丑朔 南

和縣祀唐宰相宋璟

申飭慶成宴坐次 安南貢物至池州被劫 增甘肅

西路遊擊一員 增派各省會試銀 新舊共三千一百四十二兩

致仕尚書雍泰卒

補遺

五年七月延綏鎮巡奏因燒荒會諸鎮兵搜河套賊

楊一清疏止之

六年七月都指揮桑玉受財縱賊指揮僉事王永與賊私通皆下獄死

七年三月優人臧賢請改牙牌尚書傳珪斥不許四月番僧奏請田百頃爲大度法王下院尚書傳珪力論止之

八年正月建延壽僧堂釋殿于西內 署都督同知許泰管敢勇營都指揮僉事江彬管神威營武平伯陳熹管五軍營指揮以下不用命者得以軍法從事六月贈固始致仕縣丞曾基息縣致仕主簿那祥

官賜之勅 十月大慈恩寺灌頂國師也舍窩死造塔葬之部科諫非故事 上曰著爲令

九年七月撫寧侯朱麒守紫荆寧晉伯劉岳守古北口崇信伯費柱守居庸保定侯梁永福守倒馬指揮使房寬守黃花指揮同知吳英守龍泉贈司禮監太監張淮廖鑾父爲錦衣都指揮使其母皆爲夫人予祭葬 八月江彬兼統外國家兵馬 十月主事李

中疏法祖等事降新添驛丞 十一月分諸太監出

鎮

爲守備爲採珠爲市廛甚衆不能悉舉其名又有名存而無姓者皆不書

皇明大政記卷之二十四

臣朱國禎謹輯

正德十年乙亥正月己未朔 虜入潮河川 贈嘉祥

主簿李錫為知縣蔭子 陝西總督鄧璋築榆林外

城及一帶牆堡 民間訛言宮中選女 二月己丑

朔 節烈五十六人 皆死於賊者列名旌善亭人止給銀三兩 瓊州祀

大學士丘濬於宋儒蘇軾奇句書院 山西三關都

御史陳大祥修築山險 虜入延綏寧夏 三月戊

午朔 王府官納職候缺者有司皆得逮治 開封知府賀銳

之 奏 大學士楊廷和父憂乞歸留之辭不允 尋允奔喪給勅

美官促令
葬畢供職

宥寘鏞孫肅材居鳳陽 陵祭官遇雨

不許拜跪門下 增紫荆等三關兵備一員 錄程

番府平賊功 戶部主事戴冠上疏謫驛丞 太師

英國公張懋卒 四月戊子朔 甲申考察京官

致仕尚書傅珪卒 禁三關開墾山場 丙辰前江

西副使胡世寧為寧王所劾自歸臺獄詔送鎮撫司

御史徐文華疏救 陞南司業魯鐸為南祭酒 閏

四月戊午朔 獎韓府鎮國將軍範堦孝友 吏部

尚書楊一清兼武英殿大學士 督漕右都陶琰南

兵書張潔致仕 嚴營軍盜馬之禁 改陸完吏部

尚書 虜入延綏擊却之 右都叢蘭督漕 召還

彭澤以鄧璋兼理 改王瓊兵部尚書 南右都能

繡卒 五月丁亥朔 陞右都石玠戶部尚書 改

南禮部尚書喬宇南兵叅贊 陞侍郎李遜學南禮

書 雲南地震 踰月不止或日至二三十次黑氣如霧地裂水湧死者數千人 彭

澤掌院事 王璟右都總制甘肅 盜入公安縣

增京城捕盜官軍定賞格 逮南主事王瑞 放糧擅辱千戶

六月丙辰朔 四川賊雷伯友等伏誅 侍郎趙

璜兼僉都治河 革潼關彰德兵備二員 兩廣總

兵郭勛屢被劾不問 廣東右布政吳廷舉兼副使

治嶺西兵備 朶顏內侵陞桂勇署前督僉事禦之

先殺叅將陳乾 又分三路入犯 各邊通事每歲一更 總督彭澤

奏土番復歸哈密金印城池尋以重賞贖還速擅拜

牙 駕自西安門出經宿而還大學士梁儲等疏諫

不報 李昆副都撫甘肅 選各營官軍 虜入延

綏 雲南安撫綿捧作亂被擒死於獄 七月丙戌

朔 四川銅仁苗首作亂斬之 討平徐九齡餘黨

御史高公韶疏劾王瓊降典史 重修太素殿

允占城領封使臣李貫等還京 甘肅兵破虜 給

事中范洵請用京考官議寢 給提學官關防 田汝 耕所

請通 行 固原兵禦虜敗績 大同巡撫高友璣失事

降副使 八月乙卯朔 南刑部侍郎藍章兼僉都

理鹽兩淮長蘆僉都王雲鳳理兩浙福建 虜大入

陝西 給還開平王玄孫緯江都田宅 陞吏部侍

郎毛紀禮部尚書 陳恪副都撫南贛 畿內盜鄭

紀王捨命就擒 御史張經劾太監于喜下獄 九

月甲申朔 陞金華太守劉漉為副使不允 先言事 禡職為

中官 所卿 虜寇隴川洮岷右都督張洪率萬人赴之

設工部催木郎中二員 改陳金總督兩廣加太子

太保 時周南 致仕 陝西總督鄧璋病歸 雲南巡撫王

懋中乞錄大學士劉健等被旨詰責 陞陳天祥

副都總督陝西 十月甲寅朔 曹祖誣告張鶴齡

兄弟陰謀不軌免鶴齡兄弟朝參祖尋自殺事寢

南工書柴昇致仕 陞黃錦代

陞河南布政孫燧副都撫江西 時俞謙陞任 給事中任忠

上言邊事 請治失事將官巡撫官必經六年方遷總兵官亦宜久任從之 御史李

穩施儒為民 穩除惡被許儒為守備太監劾擅作威福 十一月癸未朔

僉都張津撫蘇松 范鏞僉都操江 虜入宣府

雲州 查理內閣書籍 太監劉允往烏斯藏賫送

番供等物 經始乾清官 調卻永鎮寧夏 十二

月癸丑朔日食改次日視郊牲 湖江布政方良永

致仕 朱寧鬻鈔疏劾乞歸 陞鄧庠南戶部尚書 太監崔瑤

許寧波知府翟唐逮問降三級 虜入渾源應州等

處 戒諭淮王祐杞 為寧王所惡殺長史莊典不問 南戶書胡富

致仕 改南贛巡撫陳恪大理卿 革曹州武定州

大名府兵備 文選司火

正德十一年丙子正月癸未朔 丁未贈韶州府同知

韓銑本府知府蔭子沈國子生 上虞人 二月壬子朔

松番牆柵完勅獎撫臣馬昊 復遣各處審錄官

鹽法僉都王雲鳳病歸陳天祥代 革江西東鄉

縣新設兵備 給熊繡孫養膳米月一石 少卿何孟春之奏

復留曹州兵備 允楊廷和終制 令服闋敦 管

開主事王鑿沛縣知縣胡守約下獄 織造太監史宣之奏 並

設東西兩官廳 東用太監張忠西用張泰外四家江彬統之 上以闖人善騎射者自領

之謂之中軍 悉衣黃鼠甲 陞馬昂右都督 獻有孕女弟得幸 捕生虎

豹 亦不刺殘虜復寇西海討敗之 三月壬午朔

立伏羲廟於秦州 古成紀地 宣府山西巡撫孟春王

翊坐失事被劾皆降叅議 慶城王府諸將軍奇瀨

等勘罪得實奪爵及祿 定宗室婚封巡撫奏請母

啟郡王 廷臣上言馬昂納妹事皆不報 四月壬

子朔 慶成永和二王府祿米折銀餘仍舊 廣東

布政吳廷舉薦江西致仕布政舒清覆寢 黔公沐

崑加太子太傅賜勅褒獎 事母孝 賜寧王宸濠書院

名陽春 河南大饑 貴州巡撫曹祥被劾召還勘

處鄒文盛代 五月辛巳朔有司存問侍郎章懋 南

事徐文溥奏薦 宣諭土魯番 江西提學僉事田汝籽薦

養病御史宋景舉人劉養正 詔景復職 養正起送

追贈陳選光祿卿謚恭愍 虜謀入寇整團營及邊兵

禦之 雲南巡撫王懋中致仕 致仕兵部尚書劉

大夏卒 太監浦智往蘇杭織造 政范鏞巡撫雲

南李鉞代宣府大雨 六月辛亥朔 科道疏天

下四害山西布政倪天民陳達乃楊一清所庇參議張清乃臧賢所庇登州知府張龍則朱寧所

庇 平原縣妖人胡文智伏誅 南尚書潘蕃卒

革府江兵備 七月庚辰朔 收泰山元君祠香銀

以時修理 會討貴州叛苗阿傍等 謫胡世寧戍

遼東 河南巡撫李充嗣乞禁止進貢各項科派從

之太監廖堂所派者其貢物如舊河南修韓文公廟并復許衡祭田皆充嗣奏

虜寇白羊口都督劉暉太監張忠將京營兵赴之

侍郎丁鳳督宣大軍務 致仕大學士李東陽卒

再蔭學士劉球曾孫祚為國子生 奸民朱大周

疏劾大學士楊一清吏部事 降御史張經為典史

按寬大勅太監于喜因以築城杖死役夫中之益兵守紫荆關口 侍郎

趙璜俞琳俱兼憲職分修畿內八府武備 八月庚

戌朔 四川夔蠻作亂鎮撫招諭不聽即會兵進討

以巡按紀功 左都彭澤提督東西兩路邊關 獲

虜謀奸僧法順 虜大入宣府邊將戰敗促張忠等

進兵成國公朱輔總兵同彭澤節制科道紀功 募

擒叛人猴兒李原名李懷指揮戰敗降虜為邊患工部歲給光祿

寺銀二千兩修器皿 逮宣府總兵潘浩 太學士

楊一清致仕 巡按李節乞優禮尚書韓文不允

陞南鴻臚卿王守仁僉都巡撫南贛 南京地震 陳

雍副都撫鄖陽 尚書學士蔣冕兼文淵閣大學士

九月己卯朔 虜犯龍門所官軍禦之失利 禮

部尚書毛紀兼學士管誥勅召南尚書李遜學代尋

以吳儼代遜學 討岐山賊魏景陽平之 福餘衛

請由開原入貢止之 上猶盜起殺贛縣主簿吳珙

虜退召彭澤等還京 右都督馬昂罷 女弟得幸者始疎

十月己酉朔 致仕尚書屠勳顧佐卒 御史徐

文華上言太廟禮儀下獄黜為民 虜入遼東敗去

僉事韓邦奇下獄為民 太監王堂所陷 湖廣水災 十

一月戊寅朔 蔭國初弘文館學士羅復仁曾孫興

為國子生 湖廣賊賀璋等就擒 內批都給事中

呂經潘墳陞外任皆州同知 祭都御史馬中錫 巡按

盧雍頌寬 十二月丁未朔 趙鑑清理江南鹽法

壬戌終養御史陳茂烈卒有司樹坊表宅歲祭優給其

家 河間府水災 魯王陽鑄許奏兗州太守童旭

勘明戒飭魯玉改旭別府

止德十二年丁丑正月丁丑朔 己丑郊 遂幸南海子觀獵夜半入

城御殿行慶成禮明日以所獵賜廷臣夜御殿大宴不設燭侍贊如常儀 部院考察留

用張龍 知府陞 孫清 參議 科道再劾不聽 土魯番滿

速兒復據哈密寇肅州殺邊將芮寧 廣東連山縣

野火延入城焚公私廨舍幾盡 二月丁未朔 虜

入宣府敗諸將大掠 陝西虜患都御史彭澤提督

三邊右都督邵永總兵 楊潭戶部尚書督倉 虜

入開原 趣大學士楊廷和赴京并賜勅 上幸功

德寺 加王瓊少保 三月丙子朔 庚寅策貢士

倫以訓等三百五十人賜舒芬倫以訓崔桐以下及

第出身有差 是日 上騎出北安門從者數人至順

天府街而還比夜傳制 考官大學士

靳貴少詹顧清得顏木王廷陳汪應軫陳琛馬汝驥

詹瀚作喻歐陽必進趙錦史道婁志德許相卿夏言

劉訥季本鄧繼曾劉最蔡經林公黼張岳陳良謨王

冕閻閔吳鼎鼎豹林希元王邦瑞許宗魯浦欽臧應

全 選汪佃等三十四人為庶吉士 湖廣柳州地

震 四月丙午朔 西官廳將官許泰朱彬等監試

武舉 副都鄭陽撫陝西 大學士靳貴致仕 科場

再被 勅 甘肅兵破土魯番於瓜州 撫州福州泉州浙

金鄉衛俱地震 召邊將魯祥等入京聽用 五月

乙亥朔 敘州熨蠻平 尚書毛紀兼東閣大學士

寧府典寶閻順典膳陳宣及內使劉良告宸濠陰謀下

錦衣衛獄各杖五十發 孝陵 延綏總兵柳湧辭

任因極陳邊將剝削之弊 癸未 上微行至石經

雲南寧州盜起官兵討之敗績 柳桂峒賊襲福全

作亂討之 許湖廣太監杜甫巡歷比較兵部執奏

不從 左都御史彭澤病歸 王瓊所擠 始權進貢番船

六月乙巳朔日食 福州府地屢震 查革新設

抽分處所 王守仁請疏通鹽法許之 給事中陳

霑查大同糧草 許泰張洪俱賜國姓 福建南靖

賊詹師府等平 陞毛澄禮部尚書右都王璟左都

御史 尚書李遜學兼學士管誥勅 掌通政尚書

李浩致仕 山陽縣九黑龍見大雨 土魯番訐奏

彭澤事

七月乙亥朔享 太廟 始命會昌侯孫銘代 陞山東僉事許達

江西副使 添外夷入貢人數 加蔣冕太子太傅

毛紀太子太保 評事沈光大除名司務林華外任

以杖較尉下獄 予王守仁提督軍務 措置宣大二鎮芻

糧足主客兵四五年支用侍郎鄭宗仁往督 時上

庸關巡邊故也諸大臣疏諫皆不報 增甘肅邊兵 八月甲辰朔

上微服出德勝門至昌平次日大學士梁儲蔣冕毛

紀追至沙河疏諫不納 戊申祭大社大稷 定國公徐光祚

代 巳酉 上欲出居庸關御史張欽諫阻還幸諸

御馬房 設河間總兵大名武定等處兵備 丙辰

上還豹房 設青州顏神鎮通判 戊午 上夜御奉

天殿視朝 王守仁斬大庾賊陳曰能等賞賚 祀

泗州烈女何氏 大學士梁儲等再請豫擇近屬教

養不報 陞廣東左布政吳廷舉副都賑濟湖廣

丙寅 上夜出德勝門如居庸 召兩廣總兵武定

侯郭勛還京總三千營 建夷納款 湖廣巡撫秦

金討平江賊 祭酒魯鐸告歸 辛未 上度居庸

遂幸宣府太監谷大用守關無縱出者 許秦藩所

乞苑地尋寢 九月甲戌朔 上在宣府營鎮國府

第居之 陝西巡撫蕭翀請停織造龍箄不聽 江

西巡撫孫燧奏復饒州兵并九江兵歸之覆寢 黜

南給事中史魯為民 以王親任京職楊一清所用朱大周訐發勘實魯為民一清宥

之 修南 太廟後殿 孝陵明樓內外城樓 久雨損壞

四川叛民陳保答伏誅 河決武城縣 壬辰

上駐陽和城始稱總督軍務威武大將軍總兵行印

信鈞帖 丁酉壽節百官遙行賀禮 上獵大同陽

和衛城 二十七日方獵大雨雹 虜犯陽和掠應州 江西平

大庾賊賞王守仁等有差 庚子發戶部銀百萬兩

輸宣府備賞 壬寅傳諭巡邊禦虜凡百官朝見諸

司章奏俱如常儀 錄浙江孝豐討叛功 平湯毛九之亂

十月癸卯朔 上駐順聖川 丁未 上親督諸軍

禦虜于應州虜遁 辛亥虜再入犯 上分諸將按

伏嚴備 辛酉刑部仍會官審錄 十一月癸酉朔

上駐大同 錄四川副使馮傑死賊功蔭子百戶 兩

廣谷兵破斬府江賊加陞總督陳金以下官蔭子召

金入朝 楊廷和復入閣辦事 服闋召至 上已

西川蠻平 獲山西靜樂縣劇賊 楊虎 餘黨 戊子 上

還至宣府 癸巳南京大風雪 拔 孝陵大 小樹二百株 斬睢

陽盜張銳等 固原州地震 辛丑冬至節 上在

宣府 盜焚大學士費宏家殺其群從兄弟巡撫孫

燧勒兵討捕 加兵部尚書王瓊少傅 王守仁平

左溪賊 十二月壬寅朔 上在宣府 大學士楊

廷和等以視牲請還不報 致仕尚書張昇卒 楊

旦總督兩廣 復開納銀事例 陞龔弘副都治河

允南監屬官一體考選陞轉 駕在外申飭朝儀

各項 諸大臣至居庸請 駕不得出乃還 閏十

二月壬寅朔 上在宣府 大學士楊廷和以次 出郊視牲如常儀 致

仕尚書李傑卒 戒諭京城九門官勿放朝臣出城

正德十三年戊寅正月辛丑朔 上在宣府 群臣於奉 天門行禮

命婦朝 三宮如儀 遼東破虜 賜右都朱英謚恭簡 畿

內盜賊水灾都御史臧鳳李瓚勦捕李鈇督賑 江

西太監畢真請與南贛軍事覆寢 達賊牧河西延

綏邊外勅守臣嚴備 王守仁誅賊首池大鬢等即

擣巢破之 丙午 上還自宣府 傳 旨用大帽 撤鸞帶賜廷臣武

官章服惟部屬五品以下不與一夕製就迎 駕稱 威武大將軍 上戎服乘馬大臣行賀禮大雨雪自

德勝門入東華門 宿豹房夜已半矣 庚戌郊 復幸南海子次日還官 御殿慶賀又次日夜宴

賜文武百官銀牌 回賜賀儀翰林 官無賀儀不賜

辛酉 上復如宣府 二月庚午朔 上在宣府 司禮 文書

官秦用等八人乘 傳賚奏赴行在

巳卯 太皇太后崩越三日 上至自宣府發喪 降

御史張世隆薛完為州判 治薛鳳鳴獄朱 寧庇之坐貶 江西清

軍御史范輅劾太監畢真請掣回不報 設江西安

義縣 下御史董相於獄 朱彬為營卒報怨遣百戶 朱英執人於平谷相杖而

繫之彬 諸坐貶 下刑部主事鄭懋德林桂於錦衣獄調州

同知 朱寧所親有罪部郎劉秉鑑持之寧怒發私用 囚糧事脅之二人提牢下獄堂官懼得罪發兵

馬司改擬得 解二人坐貶 都給事中石天柱刺血上疏 降御

史王相沐陽知縣 太監黎 鑑所搆 貴州苗賊阿傍等平

三月庚子朔 勒致仕左都彭澤為民逮甘肅巡撫

李昆副使陳九疇於獄 傳 旨調石天柱及王爌

為推官 二人爭彭澤 事忤王瓊 起鄧璋撫甘肅 南安府地

震 戊辰 上如昌平 四月己巳朔 衡州府大

雨水 上祭諸陵遂幸密雲 南吏部尚書孫需致

仕 衡州大風雨者三 執永平知府毛思義降知

縣 民間訛傳欲括子女思義出示 車駕 必不遠遊皆奸徒煽惑 上怒故貶 改服闋

禮部尚書劉春於南吏部 改四川高縣為州 大

理寺卿陳恪卒 五月己亥朔日食 上次喜峯口

欲招致朶顏三衛夷人納質宴勞御史何士元給事

中汪玄錫力諫不報 戊申 上還京 嘗熟縣雷

電白龍一黑龍二壞民居二百家吸舟二十餘艘

移平樂都指揮于府江適中建平堡 丁巳執御史

劉士元于行在軍門杖之繫錦衣獄 指揮黃勳借供 應科欽士元按

之逃至行在請其蓋嫁民間女藏匿婦 人并知縣曹俊等執下獄後謫驛丞 何景明陞

副使陝西督學 叢蘭專理鳳陽巡撫副都臧鳳督

漕 副都陳雍陞侍郎採木 時劉丙 巳卒 刑部尚書張

子麟母老歸省 楊州大雨彌月 定出使官朝見

諸王禮儀 寧王驕恣脅用臣禮御史范輅請遵祖 制欽定便服稱官寧王始怨輅構之

六月己巳朔 教坊司奉鑾臧賢乞閑部覆溫旨留

用 舊例 所無 章丘縣大風雨水溢壞居民四千餘家

庚辰 太皇太后梓宮發引 上護宿清河 甲申

葬茂陵 乙酉 上奉神主還京 壬辰祔廟 上人 廟門

雷電風雨大作燭盡滅

七月戊戌朔

巳亥傳

旨命總督

軍務威武大將軍總兵官朱壽巡邊寫制勅錄應

州禦虜功陞賞九千五百五十五人奸商請開池

鹽戶部執奏不聽土魯番請和不許總河都御

史龔弘奏修理事宜壬寅諭兵部加威武大將軍

公爵俸祿諸大臣諫不報丙午駕出東安門勅大學士

楊廷和供事看詳章奏擬旨馳進改李充嗣巡撫

蘇松革密雲兵備瓦刺入貢丁未上出居

庸關至宣府命守關禁出入如前廣東泐賊平王守

仁加副都逮雲南撫臣范鏞以禮撥都司掌印官也後降參議允鳳

陽太監丘得請勅書兼廬淮揚三府督捕盜賊大學

士梁儲執奏不從八月戊辰朔上在宣府定

江浙湖廣南直隸應發口外者即發附近衛所設

廣東和平縣建信國公湯和祠於定海乙酉

上自萬全左衛天城陽和至大同降天津副使胡

文壁為府照磨太監張忠所構賜右都韓雍祠額曰襄毅

即用其諡祠在梧州賜前刑部尚書何喬新諡文肅福建

軍索糧鼓譟逮布政伍符符時陞都御史明年贖罪還職九月戊

戌朔上次大同庚子上至偏頭關自稱鎮國

公致仕尚書林泮卒增定武舉條格以內閣兵

書為考驗官 贈鬱林州同知鄭寶為知州蔭子北署

流縣父子 皆死于賊 河南盜王泰等伏誅 江西鉛山民李

鎮等作亂討平之宸濠誘之 殺費宏者 改儼子劫父弟劫兄

者重刑善以同居 甲幼論 封朱彬平虜伯朱泰安邊伯

辛巳 聖節 上次宣府羣臣於奉天門行遙賀禮

令節皆如之 賑廬鳳淮揚及蘇常水灾量蠲秋稅

十月二日戊辰 上渡黃河 巳卯 上次榆林

王守仁勘福建軍情 十一月丁酉朔 火牌調

京軍六千餘人并馬扈蹕用邊師 體行事 災傷減畿南浙

西江西應天等處糧稅 壬子 上至綏德州幸總 兵戴

欽第納 其女 十一月丙寅朔 降徐州副使余祐府同

知徐州知州樊準州同知南太監王 敬所許 戊寅 上自

榆林渡河幸石州文水諸州縣遂次太原復召劉 良女

博士朱裕請修改曆法命參考 四川熨蠻復叛

癸亥刑部反獄捕獲之 巡按盧雍劾都御史馬昊

不留兵將升 州立縣之罪 切責昊立功罷所設州縣

正德十四年巳卯正月三日戊辰 上發太原丙子至

宣府往返數千里 上卻輦乘馬佩弓矢衝風 雪歷險阻寺人病憊 上不以為勞也 改

郊期於二月 疏南旺濟寧河道 二月乙丑朔

上次宣府 傳 吉朱彬提督團營 壬申還京賀 迎

如前 丁丑郊幸南海子獵京師地震風霾次日 上

還御殿行慶成禮免宴 大學士楊廷和上還居守

勅報以不時巡幸勿繳 高麗國王請改正世系本

未從之 刑部主事汪金諫南巡疏不可者九當戒

者一 召清軍御史回京勿遣惟浙江河南山東西

存留一年一換 獲近郊劇賊趙祥等 運船阻凍

者即納天津倉 上自加太師諭府部南巡狩 部

科道力爭不報 尚書李遜學卒 賜闕里五經四

書性理大全等書 先燬於流賊 保定巡撫張頂病歸

三月甲午朔 傳 旨管家將指揮朱湧等四十七

人填錦衣帶俸舍餘一千人充御馬監勇士 設江

西崇義縣 傳 旨巡狩所過地方勿得驚擾迴避

福建軍政通判馮希哲知縣蕭泮 推官高璉所喉 起竄

杲左僉都撫宣府 貴州苗入都清等處殺掠 修

苑中諸殿 以南巡科道官疏諫伏闕 宣諭乃退

明日托疾免朝 蕭山楊時德惠祠增祀游酢羅從

彥 贈漳浦縣丞紀鏞本縣知縣蔭子 南戶部尚

書鄧庠致仕王鴻儒代 修濬運河 設福建平和

縣 王崇文撫保定 增歲貢生 順天應天四年十

人各州四年六年各縣 每年一人至十八年止 廷臣以南巡力諫 癸丑

下郎中等官黃鞏等六人於錦衣獄拷訊郎中黃鞏員外郎陸

震為一疏修撰舒芬編修崔桐庶吉士江暉王廷陳汪應軫馬汝驥曹嘉為一疏醫士徐鏊一疏兵部郎

中孫鳳等十六人吏部郎中張衍瑞等十四人禮部郎中姜龍等十六人刑部郎中陸俸等五十五人下

獄者鞏震良勝潮九川鏊跪者每日自卯至酉堂上官領回官較巡視次日楊廷和疏云黃鞏等六人孫

鳳等一百一十二人郎中孫鳳等一百七人罰跪午門外五

日金吾指揮僉事張英同跪衛士詰之英以刀自刃胸諫亦下獄擬斬杖入

十譴乙卯下寺正等官周敘等十人行人司副余

廷瓚等二十人主事林大輅等三人於獄仍與鞏等

六人械跪闕前五日 戊午杖孫鳳等一百七人於

午門外各三十為首者鳳及陸俸張衍瑞姜龍舒芬

調外任戒吏部科道毋得推舉餘奪俸六月死者王

事劉較照磨劉旺 陞右都洪遠南工部尚書 劉

玉王翊僉都操江山東 四月甲子朔 丙寅蒼梧

縣山崩 陞侍郎陳玉南左都御史 謫南御史范

輅為經歷清軍江西為寧王及卑真所惡杖兵部郎中黃鞏等三

十九人死者十一人餘以次謫官 福州亂卒葉元

保進貴等伏法餘皆給配 戶部尚書石玠致仕倉場

楊潭回分義子提督東西二關 五月癸巳朔

存恤各處流民 南禮部尚書吳儼卒 岷王請給

譜不許亡于賊盜 鳳門副使秦偉為鎮守吳經家

奴所毆不問 授江西義官翁亨四為正千戶賞千

金擒賊首 限王府使人不許久留京師 江西上

辰濠孝行報寢 丙辰太監賴義駙馬崔元都御史

顏願壽戒諭宸濠 御史蕭淮劾 奏淮南昌人 六月癸亥朔 去

各處總督名號改為提督 松潘都御史馬昊攻東

路番寨敗績 南京練沿江兵巡哨

丙子寧王宸濠反都御史孫燧副使許達死之 巳卯

興府 獻皇帝崩 濠取南康九江官吏皆遁 進

賢知縣劉源清勒兵守禦戮濠妃弟婁伯及通謀人

龍津驛丞孫天祐餘干知縣馬津亦起義兵殺其募

兵者數十人餘皆潰歸 都御史王守仁走吉安庚

辰與太守伍文定起兵留兩廣清軍御史謝源制卷

御史伍希儒紀功 大理少卿李鐸安撫土魯番進

貢夷使會勘哈密通虜事情 河南等處地震 逮

四川松潘巡撫馬昊 世宗立釋 復官致仕 李瓚左副都督兩

關墩堡 致仕尚書田景賢卒 巳丑濠兵圍安慶

府 七月壬辰朔 起文貴撫鄖陽 濠出南昌

致仕侍郎羅玘卒 甘肅巡撫李昆兵備副使陳九

疇及總兵叅將逮至京昆降二級九疇重擬 給事

中黃臣御史趙春調外 坐甘州 失事 致仕尚書王鑑之

卒 降御史張文明綏德州知州吳棟為典史前巡幸忤

內官繫獄者 盛應期副都撫四川 致仕尚書王鴻儒

卒 甲辰宸濠反報始至議親征泰安伯朱泰領兵

先往南京太監張忠左都督朱暉先往江西王守仁

暫領巡撫事 侍郎王憲督餉 南兵部尚書喬宇

進偽檄一榜文二 乙未濠自攻安慶守將擊敗之

丁未較正文獻通考完

辛亥王守仁攻克南昌獲宜春王拱櫛等 下前主事

林大輅巡城御史洪異於獄尋釋大輅坐與鄰人欽天監博士朱裕忿

爭異助而裕裕之子被許 起林俊南禮部尚書報寢 陞蕭翀

右都總兩廣 獎甘肅巡撫鄧璋修邊有效 罷鎮守太

監畢真以浦智代 南工部尚書洪遠卒

丁巳削宸濠屬籍詔告天下及江西官員軍民其日

王守仁率伍文定等擊敗宸濠於樵舍擒之及其黨

八月壬戌朔 陞寧波知府寇大敘應天府丞

朱彬提督錦衣東廠 致仕南兵書張潔卒 會議

居守防邊及廷臣題奏事宜 起養親侍郎邵寶為

南禮部尚書 錄安慶城守破賊功 賜勅獎勵南

京內外守備叅贊官 大學士楊廷和請照討寘鏞

故事行寬卹之詔許之竟為江彬所阻 勅楊廷和居守梁

儲蔣冕扈行 陞鄧璋南戶部尚書 陞伍文定江

西按察使 太常寺少卿潘辰致仕 起前江西布

政鄭岳副使胡世寧 南刑書戈瑄致仕 楊廷和

推南吏書劉春掌誥勅 上以廷和鄉人不允責陳

狀尋宥之辦事 大臣分守九門

癸未 上發京師

朱彬提督贊畫軍務朱寧帶官較隨行前後上書諫者皆不報

杖

伶官臧賢等藉沒發戍

朱寧使人殺於張家灣

丁亥 上至

涿州江西平亂表至留不下 調給事中席彖李長

為州判

劾沐崑不安分

九月壬辰朔

上次保定府禁民

間畜豬

戊戌

上至臨清

己亥罷各處調兵

王守仁械宸濠自獻捷至杭州遇太監張永遂以付

之復還江西張忠朱暉等兵皆先至永以宸濠獻南

京 癸丑

上自臨清單舸疾趨而北至張家灣復

歸軍中

載所謂劉娘娘者

崇明海盜起

獎應天巡撫李

充嗣 致仕尚書林瀚卒

十月辛酉朔

壬午

上發臨清

福建海寇平

十

一月辛卯朔

上過濟寧

丙申

上至徐州

甲

辰 上至淮安府泊于清江浦

屏侍從步入城幸總兵顧仕隆第

拘朱寧於臨清收其家屬 己未至寶應漁汜光湖

十二月辛酉朔

上至揚州

大學士梁儲等上

疏力止南京郊祀楊廷和疏如之 乙酉渡江 丙

戌至南京 丁亥祭 太廟 戊子祭奉先殿 致

仕太常少卿潘辰卒 傳 旨罪人解到班師回京

神皇后大祥告祔觀察殿試以次行

正德十五年庚辰正月庚寅朔 上在南京謁 孝陵

廣西兵討猺賊破之 執太監畢真劉瑯劉璟都

指揮廖鵬等下獄

真磔死餘斬鵬死獄中

逮臨淮知縣吳鼎

內正楊秀州奏

二月庚申朔

上在南京

宸濠械至泊

於江干 會試中式張治等三百五十人 三月巳

丑朔 上在南京 許祭祀仍用豬 四月戊午朔

淮揚等府大饑賑之

修築南陽白河

貴州兵

協四川勦熨蠻尋平之

五月戊子朔

王守仁奏

江西大水自劾四罪乞罷

回賊劫沂陽縣殺知縣

賈鉞

六月丁巳朔 駕幸牛首山軍中夜驚 南錦衣衛囚

逸 土魯番入貢歸哈密所擄官軍留速壇拜牙不

遣 建諸葛亮祠於沂州

亮所生處

虜牧近邊飭諸將

嚴備 尚書掌大理寺楊守隨卒 始允考察疏

發遼東延綏兵還鎮 七月丁亥朔 盜劫滄州

雲南彌勒州十八寨作亂尋討平之 河南廣東盜

平 逮湖廣副使黃天爵等

征苗避難巡撫 吳廷舉所劾

八月

丙辰朔

廣東蘇峒等處盜平

巳巳虜犯宣大仍

駐宣府西路

侍郎邊憲兼僉都督餉宣府

大學

士靳貴卒

閏八月丙戌朔

壬辰

上詣

孝陵

辭 癸巳受江西俘

令王守仁重上捷音

丁酉

癸卯登金山至鎮江幸大學士楊一清第飲宴製詩

發龍江 辛丑次儀真 壬寅漁于江口次瓜州

十章賜之

令和先後 凡五幸

又幸巳故大學士靳貴第

庚戌發鎮江

癸丑至楊州

九月乙卯朔

丁巳

撫按設宴慶功

庚申

上至寶應復漁于汜光湖

繫知府蔣瑤以 從至臨清放還

辛酉至淮安

過山陽縣學入馬

丙寅至清江浦漁積水池舟覆而溺掖起

上體

始不豫

畿南水災免稅

嚴捕盜之禁

戊寅壽

節 上至臨清

戶部官一員歲理甘肅糧餉

查

京衛放糧文冊

十月乙酉朔

庚戌

上至通州

兵部尚書王瓊來迎并召戶部尚書楊潭

十一月

乙卯朔

執吏部尚書陸完赴行在

論斬宥死 戊福建

太

監商忠等内外文武官薛璽林正茂等皆下獄

太

監蕭敬李英閒住

陞金獻民叢蘭南刑工尚書

李承勛姚鏌毛垵副都撫遼東延綏操江湖世寧僉

都撫四川

堽尋改 鄭陽

盡召內閣府部勳戚大臣赴行在

每衙門止留 佐二宮一人

巳卯

大學士楊廷和毛紀入見

始下江西捷奏

禮部

上獻俘禮儀

病不果行

海外佛狼機始入貢

巳吞併滿刺加國

十二月乙酉朔

御史葉忠上疏極諫不問

設

九江安慶副總兵 巳丑賜宸濠死焚其屍

甲午 上還京

丁酉郊

補今春者初獻 上嘔血 什地扶歸齋宮禮不克終

踰宿人城御殿行慶成禮免宴 壬寅立春 上不

視朝 太監尹輔往饒州燒造 壬子 上力疾視

朝手勅改兵部尚書王瓊於吏部

正德十六年辛巳正月甲寅朔 上視朝如常儀 永

平府星變 免鳳陽徐州等處糧稅 陞石珪禮部

尚書掌詹事府改南吏部劉春于禮部掌誥勅 王

憲為兵部尚書尋兼團營 癸亥 上不豫改卜郊

用庚寅 病不果 兩廣上新會新寧等縣之捷 陞廖紀南

吏部尚書 南禮部尚書邵寶終養 加應天巡撫

李充嗣工部尚書管水利 二月甲申朔 上以疾

不視朝 捕諸妖人段鏐劉天錫 致仕尚書石玠

卒 虜入陝西 廣西古田縣蠻賊平 陝西盜起

三月癸丑朔日食 上不豫 廣東清遠四會二

縣盜復起 回賊流劫山陝河南 改西官廳爲威

武團練營 畿內盜起 四川流賊平

丙寅 上崩於豹房 遺旨取興王長子入承大統

明日遣定國徐光祚等至安陸奉迎 選各營官軍

防守九門 散豹房威武團練營各官軍皇店軍門

辦事官旗番各色人俱放遣之 楊廷和皆以未命行之 戊辰

頒遣詔 皇太后懿旨擒江彬等下獄 還南京所

載庫貯鹵簿圖書文冊 發京兵三千護接嗣

天子 九月葬 康陵

臣鄭曉曰 帝英武剛斷豁達雖屢巡遊而臣民無

恐兵革時起而賦役不煩狎弄佞幸而果于用法不

相假借大漸之際爲天下得人竟開太平之治也

臣雷禮曰臣輯我 明大政至正德間時事未始不

嘆多難迭臻固天所以開 世宗之中興也自閣宦

谷大用八人蠱 上燕遊加以逆瑾乘隙竊柄竄逐

元老桎梏臣工杜塞言路取 祖宗紀綱法度一切

變更賄差鬪黨於兩京十三省操利權威劫三司剝

削生靈不可盈厭而又置腹心於吏兵聽其指授進

退文武官利門大開民不聊生故寘鑄以誅瑾反而

流賊遍及於兩畿山東河南四川江西猝難撲滅皆

瑾輩胎禍之大也及瑾伏誅而闈宦又導上召邊將江彬輩入衛號義子與上同臥起賜國姓屢導上出宮遊戲近郊宣大關陝無不巡幸中外皆切隱憂以致宸濠妄規天意舉兵指斥乘輿豈無從中通之乎及都御史王守仁平濠亂已奏捷矣而張忠江彬輩又導上南征欲誣守仁併執爲功使非張永申揀不將爲逆濠報讐乎是正德十四年中驕帥跋扈不恭劇盜縱橫日熾強藩稱亂相望皆闈豎竊政致之也幸天啓世宗撥亂反正盡洗正德敝政與天下更始而又獨秉乾斷革天下鎮守闈宦使不

得搖吻于民蓋心太祖之心自正統以來而一見者也非萬世而下所當謹守不變者哉

臣何喬遠曰我明傳序於帝九世英宗而上

皆嘗經武遏亂至于憲孝二宗文教熙洽息馬

投戈惟帝留意戎事慨然有肅清海宇鞭笞夷虜

之志郊畿之外復見旄頭虎豹之關清塵馬跡夫七

萃之士頻從三洲之詩已奏而輔導謀議之臣不懈

於內奔走禦侮之佐僇力於外良民則俛首供饗餉

無怨咨節士則捐軀赴難無顧悔雖列聖功德之在

天下亦由委託得人紀綱不紊無急酷之政以傷民

心者矣是以能保 祖宗基業以遺之 後皇歟

補遺

十一年二月刑部侍郎張綸勘代府互訕事還疏處
宗室選婚及祿米折銀二事下部議行 四月江西
巡撫孫燧定均徭則例 五月山東巡撫黃瓚乞停
臨清鎮守太監不從 七月河南巡撫李充嗣劾太
監廖堂

十二年二月江西舊都憲行古室隘甚居者輒病巡撫
暫居青戎察院孫燧至仍之及是御史范恪差江西

當讓還藩臬議別建燧曰有正人無邪地際此民窮
財匱可爲創造新衙門乎仍舊貫加葺之可也因移
後寢向前數尺檻下故溝淤沙中得一古鏡背刻篆
字二十有八有昭明光運忠扶日月等語

十三年三月南御史林有年逮獄 諫取活佛 四月南直

隸巡按楊必進上保障議 五月立浙江鎮守太監
王堂生祠賜額給護勅

十四年三月黔國公沐崑卒

十五年六月陝西巡按潘倣上哈密事宜 十二月
以獻俘勅獎江彬 發太監于經內書館約束女直

都指揮僉事速黑忒進一小熊納之

存疑

馬文升素與劉大夏不協文升許進劉宇皆河南人在弘治時文升嘗薦進提督團營宇總制宣大大夏見先帝因言宇之過宇幾不免戶部侍郎王儼兵部侍郎熊繡皆湖廣人儼與大夏結姻繡以廉著文升欲抑儼等引進劉宇會兩廣缺總督文升薦繡補之繡不樂詣吏部辭勿許憾之與李東陽謀去文升以大夏代其任至是乃諷同鄉御史何天衢屢疏論

之文升遂力求致仕章疏前後至二十一上乃允前語必焦芳所造當時馬劉閔諸公同心輔政芳由詞林謫外乞恩再起得爲吏部侍郎其兢兢于諸公非一日矣何天衢劾去馬文升代者非劉大夏卽閔珪又嗾人尼之芳乃得拱手取其位本末昭然而又設不協之語實以許熊蓋皆兩公鄉人可引而證者前朝內外均勞自常事熊何以不樂許在弘治初已爲巡撫威名甚盛久之督團營薦豈私心牽合若出有因點綴殊非實事芳之奸詭于此尤甚纔人罔極交亂四國正此之謂然劫運方始劉瑾得志馬劉閔

得免為幸許進屠瀟再出受辱或言進實自盡夫楊
 一清李夢陽逮而得釋瑾尚未敢顯侈大臣何至于
 此焦芳遇流寇走免束衣冠于廷樹斬之曰吾恨不
 手誅此賊乃其縣祀之鄉賢有王怙雲大司馬送祀
 文可攷似又未必為惡于鄉也考繡之陞在文
 升去位之後
 南京兵部尚書林瀚給事中牧相論南京御用監牧
 馬騾九千疋役軍四千名費芻粟鉅萬
 南自遷都後自正統七年以前諸內監或有存者其
 後止設守備則各監之革可知傳至正德初凡六十
 餘年安得有御馬監牧至九千餘匹耶

劉瑾既誅大學士曹元吏書張綵戶尚書劉璣兵部
 侍郎陳震南禮部尚書朱恩都御史魏訥楊武劉聰
 徐以貞修撰康海侍讀焦黃中編修劉仁大理少卿
 董恬南大常少卿劉介司務孫聰都給事李憲捕盜
 御史薛鳳鳴員外改御史朱袞僉事白思誠叅議王
 欽叅政楊儀知府莊繹柯英楊孟瑛吏部郎中王九
 思王納誨被劾分別罷職降級致仕
 當時處分者決不止此武官內臣尤多特存之志梗
 概耳即如魏璫逆案凡數百人亦有未盡者今豈能
 曲百年後追論而逆案中亦有悞入如董尚書可威

証云在工一味恭謹猶幸見機早去逆乎非乎最初
擬議時余與徐司空良彥亦被忌者牽入秉筆者自
言始知之呂純如辯疏謂從無歸美語評品之難如
此竊謂逆人秉權欲使舉朝卷班亦無是理方瑾盛
時不但李長沙實多救正康武功得行其說卽張綵
亦有彌縫處長沙得免武功終廢張綵刳屍可見前
諸人亦未必盡是定論也

七年七月內旨立監鎗下廷臣議尚書傅珪執不可
忤旨致仕命太監陸閭監鎗出征

監鎗名色見于成化中非至此始創特擅權干軍政
耳珪以八年六月致仕則二陸平賊已年餘矣

抄沒之數劉瑾金二十四萬錠又五萬七千八百兩
銀元寶五百萬錠又一百五十八萬三千六百兩寶
石金甲鱗衣袞龍袍金龍盔甲玉印玉琴玉帶數多
皆籍內帑江彬金七十櫃每櫃一千五百兩銀二千
二百櫃每櫃二千兩金銀首飾五百一十箱金銀湯
鍋四百箇餘物不可勝數籍錢寧亦如之

以上江彬猶可數計至逆瑾元寶五百萬錠則數所
不能窮矣此皆小說中甚而張之之詞殊不足信惟
嘉靖末年抄嚴氏之數是實

上在南京幸牛首山夜宿禁衛兵中夜大譟或曰江
彬爲逆不果或曰彬懼乃奉 駕還

焦弱侯曰實一僧夜魔而呼衆聞驚起余父實親見
之初無他也

上性本睿智臨朝糾奏或罪或釋數語剖決作詩揮
筆立就初在青宮 敬皇嘗引之夜出間行至六科
廊大聲問何所 敬皇曰無譁此六科所居 太子
言六科非臣乎何畏也曰 祖宗設六科糾君德闕
違脫有聞疏立至矣

六科廊前在午門內之西嘉靖殿災移端門外 敬

皇嚴重守禮法夜開宮門引太子至六科廊是道之
微行也萬無是 埋此必小人僞傳人不察而書之臨
朝數語自有定式 武宗之詩見于幸楊一清宅揮

筆立就有之天賦聰明固自不群尤工詞曲普召能
者楊南山應命以見或謂南山之薦由徐霖非臧賢

謂南山重霖霖足重南山乎

霖字子仁南京人皆稱
鬚翁善丹青樂府築快

園 武宗幸其家釣魚于園池得一金魚宦官高價
爭買之 武宗取笑而已又夫足落池中衣服盡濕
園有宸幸
堂浴龍池

迎立已定吏部尚書王瓊排掖門入厲聲曰此豈小
事而我九卿之長顧不得預聞耶衆不答瓊意乃沮

退去

迎立大事既遣國公鮒馬閣臣禮部尚書而逃發在
兵部資送在戶部車仗在工部都察院實總其事則
皆與聞可知又兩太監領 皇太后懿旨自宮中捧
金符以出必文武列班全副鹵簿告 太廟而後發
六卿之長乃不得與聞空晉溪之憤憤因新都與晉
溪不合故置之若遺下獄之禍已萌于此新都亦似
慎而失體 國朝人才多犯此病雖品格崢嶸發揮
事業而察案中時有齟齬由各部互相頡頏閣與部
不相統攝易生水火 太祖 文皇分其柄正以各

盡其長其它抵觸傾危止及其身無損國家大計也
吁規模宏遠矣

起費宏少保戶部尚書仍直文淵閣

事在 世宗立後之四日爲四月二十六日非正月
且太子太保非少保也

大學士楊廷和毛紀會太監張永密請 皇太后懿
旨誅江彬籍其家

當時副相爲梁儲蔣冕彬之擒廷和與魏震言而上
疏張永與聞有之非會而密上 新君未至彬錮于
獄 世宗既至六月八日行刑非擒而卽誅也

